

光緒重修安徽通志

重修安徽通志卷十一

皇言紀

文宗顯皇帝詔諭

道光三十年正月二十六日

奉

天承運

皇帝詔曰我大清篤承

天眷粵自

太祖

太宗肇建丕基

世祖統一函夏

聖祖

世宗

高宗

仁宗德盛化神重熙累洽我

皇考大行皇帝臨御天下三十年宵衣旰食郅治勤求熙績釐工朝廷
祇肅

深恩厚澤洽於寰區用是中外乂安羣黎蒙福方期景祿延洪永膺多
祐詎意正月十四日

諭立朕爲皇太子甫經半日

龍馭遽升卽以神器屬於藐躬朕自惟薄德深懼弗勝顧念

列聖詒謀

皇考付託天位不可久虛勉抑哀忱恪遵

成命於正月二十六日祇告

天地

宗廟

社稷卽皇帝位以明年爲咸豐元年仰紹

前徽撫衷寅惕際茲新綸之布用推錫類之恩所有應行事宜條列於左於戲膺茲繼體用惠錫於孩提弼予仔肩式撫綏天兆庶諸王文武大小臣工其各抒忠悃翊贊鴻猷以昭我國家億萬年無疆之祐布告天下咸使聞知

咸豐元年

上諭上年安徽懷甯等州縣被水受旱加恩賞給一月口糧

恭紀食貨志蠲賑

上諭蔣文慶奏查明被災各州縣請分別蠲緩賑賞一摺

恭紀食貨志蠲賑

咸豐二年

上諭上年安徽鳳陽等州縣被水成災加恩賞加一月口糧

恭紀食貨志獨賑

咸豐三年

上諭朕以薄德敬承

天命撫育萬方兢兢業業已三年矣深慚治理乖方愆尤叢集溯自道光三十年秋逆醜跳梁徵調頻仍迄無成效將士疲於甲冑黔黎苦於差徭自粵而楚自楚而江妖氛狂悖可謂極矣君人者代

天司牧斯民當今之時司牧者何事而吾民塗炭未復予一人辜

恩咎重夫復何辭因思空言無補時值多艱朕惟有虔籲

昊天速消民劫期與軍營諸將士共奮安民之志羣興鼓舞之懷掃蕩此賊以蘇民困此朕之初志報

天恩卽符

考願也憶自庚戌冬至親承

大祀已經九次每逢詣壇齋宿無不思逆賊未平倍覺愧悚茲於本月初七日又值

雩祭前期因誌吾之過以自警焉宣布中外咸使聞知

咸豐五年

上諭福濟奏查明各府州縣秋禾水旱被災並被擾各情形請分別蠲

緩錢漕一摺

恭紀食貨志蠲賑

咸豐六年

上諭福濟奏查明水旱成災及被擾地方應完錢糧懇恩分別蠲緩一

摺

恭紀食貨志蠲賑

上諭福濟奏請將賑濟銀兩辦理平糶一摺

恭紀食貨志蠲賑

上諭福濟奏查明鳳穎等府州屬秋禾受旱被水兼被蝗被擾懇恩分

別蠲緩一摺

恭紀食貨志蠲賑

咸豐七年

上諭福濟奏續查皖南各屬秋禾被旱被蝗被擾勘不成災請分別緩

徵錢糧一摺

恭紀食貨志蠲賑

上諭福濟奏請將被災州縣漕糧一併減成徵收等語

恭紀食貨志蠲賑

上諭福濟奏續查皖南各屬勘不成災田畝請分別徵緩漕糧一摺

恭紀

食貨志蠲賑

咸豐八年

上諭福濟奏皖南各州縣被災被擾及勘不成災應查明分別蠲緩漕

糧開單呈覽一摺

恭紀食貨志蠲賑

上諭福濟奏查明被災各屬情形分別懇請蠲緩錢糧一摺

恭紀食貨志蠲賑

上諭福濟奏被擾州縣懇恩緩徵新舊錢糧等語

恭紀食貨志蠲賑

咸豐九年

上諭上年安徽霍邱等州縣被災被擾加恩賞給一月口糧

恭紀食貨志蠲賑

上諭翁同書奏查明各州縣災區情形懇恩分別蠲緩錢糧一摺

恭紀食貨志蠲賑

志蠲賑

旨加廣安徽文武鄉試中額

恭紀選舉志

咸豐十年

上諭翁同書奏查明上年秋災情形分別蠲緩錢糧一摺

恭紀食貨志蠲賑

上諭近年江蘇安徽浙江地方被賊蹂躪小民流離失業慘不忍言疊經降旨蠲免錢糧翼蘇民困現在該三省失陷城邑多未攻克卽令漸次規復而田廬半遭兵燹耕作未免失時朕眷懷南服深用惻然所有江蘇安徽浙江失陷郡縣明年錢糧漕米著一概蠲免以紓民力用副朕加惠窮黎至意欽此

咸豐十一年

重修安徽通志卷十一

四

上諭現在各省軍務未竣亟應簡拔人才講求吏治以康濟小民俾無

失所

恭紀選
舉志

諭有人奏咸豐三年賊陷安慶並未據守自周天爵等奏請改建省
會於廬州賊窺安慶無備始圖占踞遂至全皖糜爛

恭紀武
備志

御製

詣齋宮作

春澤幸霑邪未靖肝宵傲惕撫瘡痍盡微忱庶邀

天貺殄醜安民莫再遲

兵疲賊縱已三年德薄深慚負

上天三捷雖聞敢言慰師和剿戮皖江連

詣壇齋宿愧尤增

考願難符懼弗勝宥密思愆加慎勉

旻恩普錫萬方承

閱報忽傳破賊營感深隕涕愧交榮大軍或可獲全捷尚未聞克復揚州默

禱

皇穹惠下氓

自述一首恭依

皇祖詩韻

薄德垂裳愧邪源何日清三年勞眾力五省聚雄兵籌筆那知瘁敕
幾敢不誠羣期除畛域定可掃機槍敬籲

天恩重深辜

考願宏誰無肯堂志隕涕意難平

癸丑嘉平月朔開筆書福卽事述懷兼示軍機大臣恭親王等

又臨開筆月嘉平小醜稽誅未廓清章奏雖繁鮮濟實將心難合枉

重修文獻通志卷十一

多兵祇慚感奮激無術惟籲

仁恩冀有成夙夜所籌樞務重勛有賴是諸卿

有憶和杜甫韻

水深魚自躍林靜鳥呼羣引興湖山景縈心江楚軍飛章來遠驛極目豁秋雲卻憶書齋樂開編晤舊文

放舟

蒼蒼暮色四圍天福海揚舲興渺然序屆小春欣布暖波澄新霽靜涵烟幾曾清暇一心豫卻憶哀鴻中澤憐稍喜廬城聞克復楚江更盼捷音連

丙辰元旦開筆成什

咸豐六載春王月運幹虞廷

授

受年

祖

考仁恩昭鑒佑孫臣兢業懷仔肩萬方多稼倉箱足三捷飛章江楚連
元旦明窗循例事更逢時至潤原田

靜明園卽景

山館暫停驂虛明足靜耽幾村煙樹釋萬象水天涵上界眞標勝靈
源待布甘林泉豈幽契籌旅憶江南

福海泛舟

熙春上苑寶佳哉鼓棹尋詩數往回似鏡中行金浪疊如天上坐翠
屏開御如坐天上御舟名也書催廣艇騰驍將現由廣東省雇募紅單船赴江南助剿思濟巨川用

巨材水態雲容呈盡本斜陽東望是瑤臺

宮齋卽事

重刊五經文字卷之三
邪氛尚熾晚江連迴憶軍興越七年潤麥銷兵占叶吉惟祈

昊眷速殲旃

重修安徽通志卷十二

皇言紀

穆宗毅皇帝詔諭

咸豐十一年十月初九日

奉

天承運

皇帝詔曰我大清仰承

上天眷佑粵自

太祖

太宗肇建鴻業

世祖統一寰區

聖祖

世宗

高宗

仁宗

宣宗重熙累洽中外乂安我

皇考文宗顯皇帝臨御十有一年宵旰憂勤日臻上理

盛德豐功昭垂萬世

深恩厚澤漸被八紘方期撫綏寰海多福永膺詎意

臨幸灤陽屬疾復作元氣日虧竟至彌留不起七月十六日子刻

諭立朕爲皇太子十七日寅刻

龍馭遽升卽以神器屬於藐躬朕自維冲齡薄德懼不克勝顧念

列聖詒謀之要

皇考付託之隆勉抑哀忱膺茲重寄恪遵

成命於十月初九日祇告

天

地

宗廟

社稷卽皇帝位以明年爲同治元年仰紹

前猷彌增寅惕際新綸之丕布衍景運於無疆所有應行事宜條列於左於戲覲光揚烈敢稍寬繼述之心錫類推恩期共慰隆平之望諸王文武大小臣工其各矢忠誠贊襄郅治以垂我國家萬年有道之庥布告天下咸使聞知

同治元年

旨加廣安徽文武鄉試中額

恭紀選
舉志

上諭會國藩等奏遵議安徽省城仍建安慶並專設長江水師提督總

重修安遠縣志 卷十二
兵以下等語

恭紀武備志

同治二年

上諭僧格林沁等奏官兵追抄竄擒連獲大勝生擒擒首張洛刑等多名並王懷義等投誠各情形一摺安徽蒙亳一帶擒匪節經僧格林沁督軍痛抄勢已窮蹙巨擒張洛刑劉狗劉學淵蘇添才等股尚屬聚尹家溝意圖竄突二月初一日僧格林沁派令翼長舒通額蘇克金等帶領各起馬隊馳往圍攻該逆拚死出撲經官軍截殺多名逆向東南竄遁侍郎國瑞帶同托倫布等馬步進攻雉河集張洛刑老巢該逆聞風逃竄遂將雉河集尹家溝兩處賊巢全行平毀初二至初七等日舒通額等追至渦河以南之張村堡地方遇擒首王廣一股抗拒官軍鎗箭齊施追斬殆盡連斬擒首韓四萬陳二砍就地正法復深知李莊擒首劉登瀛圩內有巨擒藏匿舒通額等調集鄉團

四面合圍該圩團總畏懼將劉二老淵卽劉玉淵並其弟劉四麻仔張延生獻出舒通額等查明與竊匪劉登瀛等一併解營凌遲處死其楊二郎楊瑞瑛王懷義龔耀等股先後投誠經僧格林沁派令翼長全順等住紮花果集王懷義寨內探蹤進抄擒首蘇添才卽立稜眼並其義子賀繞兒等九名誤投該寨復經全順等按名弋獲解營將蘇添才卽立稜眼凌遲處死餘俱正法梟示擒首李勤邦劉添祥頭號雷卽張順德王鳳朝羅克有卽羅麻仔侯永固等赴宿州知州英翰處懇請歸正旋據李勤邦等將張洛刑並其子張濤義子王碗兒誘擒經英翰等解送大營經僧格林沁訊明屬實錄供呈覽擒首孫吳卽孫蔡文江台靈率眾赴營乞降又據投誠之鄭如先將劉大老淵卽劉學淵誘入圩內僧格林沁派令參將祥恩等帶兵前往拏獲到營將劉學淵凌遲處死從匪三名正法梟示辦理甚爲得手巨

擒張洛刑曾受粵逆僞封擾害東豫江皖荼毒生靈實屬罪惡貫盈
豈容稍稽顯戮著僧格林沁卽將張洛刑一犯在營卽行處死並其
子張濟義子王碗兒一併正法傳首河南山東安徽等省被擾地方
以伸國法而快人心其餘投降各擒著僧格林沁分別妥辦蒙亳一
帶漸次肅清所有善後事宜著唐訓方慎選牧令招集流亡妥爲經
理安徽蒙亳等處自遭擒患幾及十年四野荒蕪瘡痍滿目言念吾
民殊堪矜憫著加恩蠲免錢漕二年以蘇民困僧格林沁繞境抄擒
卒能將各股擒首擒獲收撫使積年巨患剋日掃除洵屬調度有方
謀勇兼備科爾沁親王僧格林沁著加恩仍以親王世襲罔替前奉
特旨賞用章服等項並仍准其服用以示優異侍郎國瑞隨同僧格林
沁迎抄亦屬著有微勞著交部從優議敘所有擒獲首逆之宿州知
州英翰本日已簡放潁州府知府仍著賞加道銜投誠之李勤邦著

賞給六品頂戴並賞戴藍翎其餘在事出力各員弁團勇著僧格林沁擇尤保奏用示鼓勵該部知道欽此

同治三年

上諭戶部奏蠲免錢糧已輸在官准流抵次年應完正賦則例所載防弊本極周詳無如各州縣積習相沿機詐百出或停擱蠲免詔旨先期催迫或藉無流抵明文闢入私彙卽或業戶中偶請示遵而官吏胥差互相聯絡游詞飾說巧爲欺朦倚勢作威肆其侵蝕故遇免徵之年迫呼不已已輸之賦扣抵無期是以歷屆蠲免難霑實惠卽如本年四月蠲免江屬諭旨有流抵字樣正月初二日蠲免蘇屬諭旨無流抵字樣載與不載厥例維均恐小民無知或啟猜疑之竇官吏藉端影射巧索強取請申明定例嚴防弊端等語向來蠲免省分其全年蠲免先期輸官者准其流抵次年應完正賦其蠲免定有分數

先期全輸在官者除應徵分數外餘應蠲免分數亦准下年扣抵立法至周乃近來不肖官吏因緣爲奸致小民踴躍輸將反飽貪殘囊橐上行其惠下屯其膏喪心昧良莫此爲甚嗣後各省官吏如再有隱匿賸黃朦混流抵各項弊端著各該省督撫大吏查明嚴參按照侵盜錢糧律治罪並著刊刻賸黃徧行曉諭以後遇有蠲免年分著永遠將此旨一並刊刻宣示仍著戶部查明從前例案通行各直省以期實惠及民無資中飽將此通諭知之欽此

上諭戶部奏查明江蘇安徽藩屬前屆應豁未結積欠錢糧開單請旨蠲免並將襍稅分別豁免摺片江蘇安徽自咸豐三年以後粵捻各匪竄擾地方凋敝滿目瘡痍疊經諭令該督撫等隨時撫卹今雖江甯克復軍務漸平而田土半就荒蕪閭閻未能復業亟應渥沛恩施以甦民困所有單開之江甯藩司所屬道光二十四年以前請豁未

結蘆課正耗等銀二十五萬一千三百一兩零道光二十七年以前
未完地丁南屯蘆課等銀二百六十五萬七千四百三十六兩零米
豆十九萬一千八百三十七石零安徽藩司所屬道光二十年以前
請豁未結地丁蘆課等銀三百五十五萬九千二百九兩零米麥十
三萬四千二百四十八石零道光三十年以前災緩未完地丁蘆課
等銀三百六十二萬六千六百三十八兩零米麥十四萬四千一百
四十五石零蘇州藩司所屬道光三十年以前請豁未結地丁蘆課
等銀三百四十八萬四千七百九十四兩零米豆三十一萬三千六
百九十八石零道光三十年以前未完地丁蘆課攤補等銀三十六
萬九千一百六兩零均著加恩一概豁免毋庸照常造冊致多窒礙
其咸豐元年以後江蘇安徽省積欠及各府州縣因軍務延擱礙難
徵收正雜各款截至克復之日爲止著曾國藩李鴻章喬松年各飭

藩司分別查明彙奏請豁由戶部核定候旨施恩其襍稅一項向來不入豁免之例惟積時已久官非一任若仍准其流抵交代日積一日輾轉不清總歸無著所有江甯藩司所屬道光五年起至二十七年止未完襍稅正耗銀十四萬四千七百五兩零安徽藩司所屬乾隆五十八年起至道光三十年止未完襍稅正耗銀二十六萬三千九十六兩零蘇州藩司所屬道光十二年起至二十九年止未完襍稅正耗銀二萬八千八百四十四兩零著准其一併豁銷其咸豐元年以後襍稅積欠及因軍務礙難徵收之各府州縣截至克復之日爲止仍分別確查彙奏請豁候旨遵行經此次豁免後所有續徵襍稅銀兩著該督撫嚴提報撥年清年款儻徵解不全希圖侵蝕入己卽由該督撫查明嚴參懲辦

旨加廣安徽文武鄉試中額

奉紀選
舉志

同治四年

上諭曾國藩喬松年奏查明安徽省被擾各州縣應徵錢糧襍稅懇請

蠲免一摺

恭紀食貨志蠲賑

同治五年

上諭李鴻章英翰奏安徽省本年被災尤重各屬緩徵錢糧開單懇恩

續予豁免一摺

恭紀食貨志蠲賑

旨加廣安徽文武鄉試中額

恭紀選舉志

同治七年

上諭前因捻逆張總愚竄擾直隸等省小民耕種失時流離困苦軫念
良深諭令各督撫查明被擾輕重情形分別奏請蠲緩錢糧以示普
沛恩膏因思捻逆肆擾湖北河南安徽江蘇山東等省歷十餘年吾
民蕩析離居轉徙顛沛殊堪憫惻今幸次第蕩平自應一體施恩俾

小民得免追呼之苦所有被擾最重之安徽鳳陽潁州泗州江蘇徐州海州山東曹州濟南青州沂州河南開封歸德陳州許州汝州光州湖北黃州德安所屬各州縣同治六年以前錢糧除業經蠲免外其實欠在民者均著概予豁免此係朝廷曠蕩之仁該督撫等即當督飭所屬州縣認真稽核不得以完作欠致滋弊混其餘被擾較輕各屬並著各該督撫查明分別奏明請免舊欠錢糧以副朝廷軫念災區至意

旨加廣安徽文武鄉試中額

恭紀選舉志

上諭前據曾國藩等奏擬補長江水師各缺續陳未盡事宜並請以大

銜借補小銜各摺片

恭紀武備志

同治八年

上諭英翰奏查明被災州縣請將原緩錢糧懇恩蠲免一摺

恭紀食貨志蠲賑

同治九年

旨加廣安徽文武鄉試中額恭紀選舉志

上諭英翰奏查明安徽各屬被災情形開單懇請分別緩徵漕糧一摺

恭紀食貨志蠲賑

同治十年

旨加廣安徽文武鄉試中額恭紀選舉志

同治十一年

恩詔蠲免各直省民欠錢糧恭紀食貨志蠲賑

上諭彭玉麟奏酌籌水師事宜請旨遵行一摺恭紀武備志

上諭英翰奏查明各屬秋禾被災情形酌擬緩徵錢糧一摺恭紀食貨志蠲賑

同治十二年

上諭英翰奏查明各屬秋禾歉收情形請分別徵緩漕糧一摺恭紀食貨志蠲賑

賑

同治十三年

上諭裕祿奏查明各屬秋禾歉收情形請分別蠲緩漕糧一摺

恭紀食
貨志續

重修安徽通志卷十三

皇言紀

皇上詔諭

光緒元年正月二十日

奉

天承運

皇帝詔曰我大清篤承

天佑繼繼繩繩仰維

太祖

太宗洪建丕基

世祖統一區夏

聖祖

世宗

高宗

仁宗

宣宗

文宗一德相承萬邦攸賴我

大行皇帝臨御天下十有三年惕勵憂勤孜孜求治上秉兩宮

皇太后慈訓簡任親賢削平巨憝羣黎蒙福中外乂安方期景祚延洪

永膺多祜詎意

聖躬弗豫於同治十三年十二月初五日

龍馭遽升欽奉

遺詔祇遵

皇太后懿旨以朕承繼

文宗顯皇帝爲子入承大統神器至重屬在藐躬朕自維冲齡薄德懼弗克勝顧念

列聖詒謀之善

大行皇帝付託之隆勉抑哀衷恪遵

成命於正月二十日祇告

天
地

宗廟

社稷卽皇帝位以本年爲光緒元年仰紹

前徽冀臻上理際新綸之丕煥敷郵治於咸熙所有事宜開列於左於

戲膺圖受錄難寬兢業之心揚烈觀光用懋顯庸之績諸王文武
大小臣工其矢爾公忠用弼予冲人以固我國家億萬年無疆之

重刊五經通義卷一三
祚布告天下咸使聞知

上諭御史吳鴻恩奏請飭舉行宣講一招宣講聖諭廣訓鉅典昭垂
自應認真舉辦乃近來各地方官往往視爲具文實屬不成事體
著順天府五城實力奉行並著各直省督撫學政督飭地方及教
職各官隨時宣講毋得有名無實另片奏請飭學政嚴密關防等
語科場舞弊例禁綦嚴若如該御史所奏槍冒頂替等弊仍所不
免並有教職與承差勾通作弊情事殊堪痛恨著各直省學政隨
時稽查如有前項情弊卽著嚴行究辦以端士習而肅官方欽此
上諭御史王榮瑄奏敬陳管見一摺所奏不無可採官方亟宜澄敘
外省督撫遇有地方差委事宜自應於本省各員內量材器使嗣
後不得率調他省人員以杜營私奔競之弊京員勞績保舉各該
衙門務當核實請獎不准驟保越級升階致滋冒濫各省被災地

方一經該省大吏奏請蠲緩糧租朝廷無不立沛恩施若如該御史所奏報災之先吏胥輒向災區索取規費被災重輕並不核實勘報及奉有恩旨則遲貼謄黃先行追比似此玩視民瘼以致澤不下逮殊屬不成事體著各省督撫認真查核儻該地方官及吏胥人等竟有前項情弊卽著從嚴參辦漕糧徵收折色豈容該州縣任意浮收並私立樣盤名目強取於民嗣後著該督撫核定折徵價值先期曉示並將樣盤名目永遠禁革以恤民生上年黃流漫溢下注江境現籌築隄堵禦至大清河南北舊河及利津縣牡礪口河道應如何設法疏濬以分水勢之處著丁寶楨通籌全局妥爲辦理總期河流順軌保衛閭閻用副朝廷軫念民依至意上諭御史王兆蘭奏敬陳管見一摺所陳理財安民練兵各條不爲無見國家財賦歲有常經現在各省軍務雖平而餉需尙虞缺乏

庫款支絀時形允宜量入爲出合局統籌著戶部合計各省丁地鹽酒及釐金捐輸等項除蠲緩外查明每歲出入之數以入抵出儻有不敷應如何節省補救之處均著悉心妥議毋得徒託空言並著各省督撫飭令藩司查明各該省現存釐卡地方其有幾處先行報部並將各收之細數按年造冊核銷如仍任意遲延卽由該部指名參處至軍務已平各省其軍需銷款尤不得浮濫支銷並著戶部查明各省情形分別立限截止其內外各衙門承辦物料例價著卽查明一律改歸舊制概不准於例價外稍有浮多民生之安危視乎牧令之賢否著各省督撫於州縣等官無論實缺候補於到省考試後隨時嚴加察看實力勸懲庶吏治漸有起色武備亟宜講求而練兵尤須選將著各路統兵大臣及將軍督撫提鎮等於所轄營伍內不拘官職大小務宜隨時隨事切實訪求

如實有才能出眾之員卽著據實保奏其有不能稱職者嚴加甄別毋稍徇隱用副朝廷節用愛人澄敘官方至意

上諭兵部奏郎中魏綱條陳整頓吏治據呈代奏一摺吏治之清濁關係國計民生迭經諭令各省督撫認真整頓乃近來仕途日臻積習相沿以致弊竇叢生吏治仍未有起色著各該督撫振刷精神嚴加考核務將貪緣奔競等弊概行革除獎進賢能懲退貪墨庶幾官方澄敘力挽頹風毋得粉飾瞻徇致負委任

上諭朕寅承丕緒撫馭萬方

恭紀食貨志錢賦

上諭彭玉麟奏敬陳管見一摺所奏清吏治嚴軍政端士習蘇民困各條均於治道有裨堪資採擇州縣爲親民之官儻不得其人卽爲地方之害貪劣各員固應參革究辦庸沓委靡之員亦不宜稍事姑容各直省督撫務當破除情面嚴行考核認真整頓用示激

屬近來各省因候補人員較多意存調劑州縣各缺輒轉委署以致任事之員視官守如傳舍並不盡心民事貽誤地方莫此爲甚嗣後該督撫等慎選循良俾令久於其任毋得稍涉徇私率行更署以期吏治日有起色各省營伍亟應力求整飭著該督大員認真校閱勤加訓練儻該營將弁有攤扣兵餉並性耽安逸吸食洋藥等情卽著分別參辦從重治罪學校爲儲才之地欲正人心宜端士習教官職司訓迪非學行素優之員不足以資矜式著該督撫學政隨時訪察賢者量加保獎不賢者卽行參處俾士林知所觀感各省兵燹以後民困未蘇地方各官自應妥爲撫恤該侍卽所奏正供之外浮收勒折民不聊生積案拖延永無了結甚至縱容蠹役魚肉鄉民一役下鄉數家破產此等情形實堪痛恨著各該督撫等嚴飭所屬痛湔積習儻有不肖之員玩視民瘼任意擾

累卽行嚴參懲辦從前被兵省分荒田尙多著各該督撫體察情形勸諭開墾寬其賦稅以示招徠並督飭承辦各員妥爲經理勿滋弊端

上諭御史陳彝奏縷陳管見請清刑罰平稅歛並整飭風俗各摺不爲無見各省京控案件理應秉公訊斷不得調停迴護嗣後各省督撫務當嚴飭所屬認真辦理果係健訟之徒自應嚴懲儆實有冤抑卽予平反各省辦理案件尤當嚴禁非刑稽查株連其實應羈禁待訊者卽仿照囚糧之例酌撥公款以資養贍仍派員稽查按月造冊解交該管上司查核所有擅用各種非刑並著一律禁止以示矜恤省會發審局宜慎擇賢員經理嗣後各省應將每年派入局員履歷斷結何案逐一聲明報部查核如有冤濫卽照承審例處分至各省元氣未復尤應體恤民艱朝廷蠲租曠典務期

實惠均沾豈容不肖州縣以完爲欠著該督撫隨時稽查痛除積習各省釐局迭經諭令各該督撫分別裁併所有江北漕捐江甯米穀捐刻下應否裁減著該督撫等斟酌情形奏明辦理錢漕正供向不准額外浮收屢經降旨嚴飭各該大吏自當整躬率屬釐剔弊竇不准於常賦之外私議加增用副朝廷恤民至意舉行講約原冀海內向風但積久相忘轉致視爲具文著再申明舊例務令實力奉行俾得家喻戶曉而維持風俗禮教尤宜講求著該部卽將會典通禮內有關民間吉凶禮節者刊布通行以資法守至奔競逢迎尤爲仕途惡習嗣後各衙門各館保送保舉及考取各員該堂官均宜一體秉公嚴杜請託等弊庶幾振興士氣力挽頹風朝廷實有厚望焉

上諭御史鄧慶麟奏京控案件請飭認真訊辦等語各省京控案件

該督撫本應親提研訊秉公辦理若如該御史所奏近來各省交訊之案從未平反甚至積壓回護冤累愈多實屬不成事體嗣後各直省督撫府尹遇有發交案件及各本屬上控之案嚴飭承審各員認真辦理務得確情不准徇私袒護致滋冤濫儻別經發覺卽照出入例議處以慎刑獄而重民命

上諭御史梅啟熙奏請旨嚴杜僭越一摺前諭禮部將會典通禮內有關民間吉凶禮節者刊布通行特恐民間狃於積習仍復奢侈相沿僭禮越分漫無限制著各省督撫及府尹等卽將該部前頒各條通行曉諭實力奉行俾閭里咸知品節其有任意僭越者該地方官卽行禁止以昭崇儉去奢之意

上諭裕祿奏查明各屬秋禾歉收請分別徵緩漕糧一摺

恭紀食貨志蠲賑

上諭裕祿奏查明各屬被災情形酌擬徵緩錢糧一摺

恭紀食貨志蠲賑

上諭御史袁承業奏各省因案待質人證無辜受累請飭嚴禁弊端等語各省提審案件理應迅速審結以免拖累若如該御史所奏提省待質人証吏役需索凌虐多至痠斃尙復成何事體嗣後各該督撫等於提省案件務當督飭臬司迅速審結凡州縣解省人證遞至一月不齊者卽行參奏各該地方官遇有詞訟亦不得以案中無關緊要之人輕率拘傳羈畱待質該管上司務當隨時稽查分別勸懲以恤庶獄而重民命

上諭軍興以來各路統兵大臣督撫保舉記名提鎮各員其中材略出眾卓著戰功者固不乏人而人數眾多亦難免有庸劣之員濫竽附入著各路統兵大臣督撫於記名提鎮各員內悉心考察如有實在堪勝專閫之任者再行出具切實考語奏明存記以備簡用若才具平庸不能稱職或著有劣跡者卽著嚴加甄別據實奏

參母得稍涉徇隱以副朝廷慎選人材至意將此通諭知之

上諭鄉會試爲掄才大典理宜嚴肅

恭紀選舉志

上諭御史張道淵奏請飭各省稽核款項以備要需一摺現在時事多艱度支未裕各省協濟餉糈及一切用款需費浩煩全賴各大吏認真清查隨時稽核庶幾庫款充裕足備供支著各該督撫府尹督率所屬於每年徵收正課款項核實稽查遇有虧短侵吞短交欠解等弊卽行嚴飭追繳並於動支各款力杜冒銷一切無益之費概行裁撤以期用無虛糜該部知道

上諭御史張道淵奏請飭各省辦理開墾事宜等語

恭紀食貨志田賦

上諭御史張道淵奏殿試交卷遲延請旨嚴禁一摺

恭紀選舉志

光緒二年

上諭御史袁承業奏雨澤愆期請修明政體一摺據稱近來濫捐濫

保過多內外臣工或有徇私圖便情同蔽惑請飭各衙門恪遵成
法力挽頹風並下詔求言等語本年雨澤愆期屢經設壇祈禱並
降諭旨清理刑獄惟刑濫固傷天和而賞僭亦非國體嗣後內外
臣工務宜各矢公忠悉除奔競之風勿用調停之說勸懲賞罰胥
得其平朝廷政事如有闕失必當直言無隱庶幾集思廣益國是
民隱不壅上聞以期上下交儆感召和甘毋再玩忽因循其安緘
默

上諭廣壽奏天時亢旱時事艱難請飭中外臣工實力修省一摺方
今時勢多艱新疆軍務未平國用未豐民生未遂本年京師及直
隸山東等省天時亢旱閭閻困苦深宮宵旰焦勞倍深兢惕爾中
外大小臣工務當振刷精神盡心職守毋得稍事因循內而部院
堂官於該衙門應辦事宜認真講求屬員之賢否勤惰詳加考察

外而督撫大吏於地方利弊民生休戚悉心查訪尤須正己率屬
舉劾嚴明庶幾其濟時艱日臻上理用副朝廷諄諄誥誡至意

重修安徽通志卷十四

輿地志

星野

周禮保章氏以星土辨九州之地所封之域皆有分星國語謂歲之所在爲周分野此星野之說所由昉與遷固書志本於星經晉志有州郡躔次李氏法象志又以唐之州縣配十二次度數明史采錄清類天文分野書其說詳矣安徽古隸揚州自斗至女爲星紀分屬吳越而界於徐豫者則在降婁大火之次爲魯宋分至各宿躔次之不同二道距度之各異歷代占候言人殊恭讀

御定儀象考成至爲詳核觀天文以察地理布度定記分州繫象可推步而知也舊志本采江南通志之文今仍之述輿地志星野

重修安徽通志

卷十四

輿地志 星野

星紀吳越也降婁魯也大火宋也

周禮保章氏注

自氏五度至尾九度爲大火於辰在卯宋之分野屬豫州自南斗十二度至須女七度爲星紀於辰在丑吳越之分野屬揚州

自奎五度至胃六度爲降婁於辰在戌魯之分野屬徐州

晉書天文

志 隋書地理志同

奎婁降婁也初奎二度餘千二百一十七秒十七少中婁一度終胃三度自蛇邱肥城南屆鉅野東達梁父循岱岳眾山之陽以負東海又濱泗水經方與沛畱彭城東至於呂梁乃東南抵淮竝淮水而東盡徐夷之地氏房心大火也初氏二度餘千四百一十九秒五太中房二度終尾六度自雍邱襄邑小黃而東循濟陰界於齊魯右泗水達於呂梁乃東南接太昊之墟盡漢濟陰山陽楚國豐沛之地斗牽牛星紀也初南斗九度餘千四

十二秒十二太中南斗二十四度終女四度自廬江九江負淮

水南盡臨淮廣陵至於東海又逾南河得漢丹陽會稽豫章

唐書志略同

斗牛在丑屬吳越分揚州奎婁在戌屬魯分兗州氏房心在卯

屬宋分徐州明清類天文分野書按星野分配郡國諸史亦

隋志以譙郡屬豫州以彭城豐沛屬徐州唐志以楚國豐沛皆

爲大火之次與漢志合又史漢俱以房心爲豫州奎婁爲徐州

清類天文分野書謂宋得徐州之地爲多遂改大火爲徐州今考宋地實在徐豫二州之境也

以上十二次分野之說

二十八舍主十二州 角亢氏兗州房心豫州斗江湖牽牛婺

女揚州奎婁胃徐州史記天官書漢書天文志同

魯地奎婁之分野也東至東海南有泗水至淮得臨淮之下相

睢陵僅取慮皆魯分也宋地房心之分野也今之沛梁楚山陽

濟陰東平及東郡之須昌壽張皆宋分也吳地斗分野也今之會稽九江丹陽豫章廬江廣陵六安臨淮郡盡吳分也

漢書地理志

房心宋豫州潁川入房一度汝南入房二度沛郡入房四度梁國入房五度楚國入房四度斗牽牛須女吳越揚州九江入斗一度廬江入斗六度丹陽入斗十六度臨淮入牛四度廣陵入牛八度泗水入女一度六安入女六度奎婁胃魯徐州東海入奎一度

晉書天文志

奎爲大澤在陬訾下流當鉅野之東陽至於淮泗婁胃之墟東北負山蓋中國膏腴地百穀之所阜也商亳負北河陽氣之所升也爲心分豐沛負南河陽氣之所布也爲房分南斗在雲漢下流當淮海間爲吳分

唐書天文志

南斗六星魁天梁也南星者魁星也石申曰魁第一主吳二

會稽三丹陽四豫章五廬江六九江

宋史天文志

斗牛吳越分野奎婁魯分野氏房心宋分野

明清類天文分野書

斗三度至女一度星紀之次也直隸所屬之太平甯國池州徽州廣德州鳳陽府壽滁六安三州盱眙天長二縣廬州府無爲州安慶府和州皆分斗奎二度至胃三度降婁之次也直隸所屬之泗州五河虹懷遠三縣皆奎婁分軫十度至氏一度壽星之次也直隸所屬之霍邱縣爲角亢氏分氏二度至尾二度大火之次也直隸所屬之潁州房分宿州蒙城縣亳縣皆房心分

明史天文志

以上二十八舍分野之說

自斗十二度至婺女七度爲星紀自奎五度至胃六度爲降婁

自氏五度至尾九度爲大火

漢劉歆三統曆

自斗十度至女五度爲星紀自氏十一度至尾八度爲大火自

奎二度至婁九度爲降婁

漢賈說周易

自壁八度至胃一度爲降婁自亢八度至尾四度爲大火自斗

六度至女二度爲星紀

後漢蔡邕月令章句

自斗十一度至婺女七度爲星紀其降婁大火距度俱同三統

後漢皇甫謐帝王世紀

自斗一度至牛五度爲星紀自壁三度至婁八度爲降婁自亢

三度至心四度爲大火

北魏李業興正光曆

自奎二度餘千二百一十七秒十七少至胃三度爲降婁自氏

二度餘千四百一十九秒五太至尾六度爲大火自斗九度餘

千四十二秒十三太至女四度爲星紀

唐一行大衍曆

自奎三度半至胃五度半爲降婁自氏三度少至尾八度爲大

火自斗九度至女六度爲星紀

宋黃居卿元祐觀天曆

自奎一度三十七分二十五秒至胃四度十九分十五秒爲降

婁自氏一度七十四分五十一秒至尾三度八十六分六十四

秒爲大火自斗四度三十五分九十二秒至女二度九十五分

七秒爲星紀

宋陽忠輔紹熙統天曆

自奎二度三十五分八十五秒外至胃四度二十四分三十三

秒爲降婁自氏一度七十七分七十七秒外至尾三度九十七

分七十二秒爲大火自斗四度三十六分六十六秒至女二度

九十一分九十一秒爲星紀

元耶律楚材西征庚午元曆

自奎一度七十二分六十三秒至胃三度七十四分五十六秒

爲降婁自氏一度一十四分五十二秒至尾三度一分一十五

秒爲大火自斗二度七十六分八十五秒至女二度六分三十

八秒爲星紀

元許衡郭守敬授時歷

自斗三度至女一度爲星紀自奎二度至胃三度爲降婁自氏

二度至尾二度爲大火

明清類天文分野書

以上各次距度之不同

漢洛下閎所測氏十二度房五度心五度斗二十六度及分牛

八度女十二度奎十六度婁十二度胃十四度

舊志

唐一行所測斗二十六度無分餘同漢

舊志

宋皇祐所測氏十六度心六度斗二十五度牛七度女十一度

胃十五度餘同漢 元豐所測房六度餘同皇祐 崇甯所測

房五度太心六度少牛七度少女十一度少奎十六度半餘同

皇祐

舊志

元至元所測氏十六度三十分房五度六十分心六度五十分

斗二十五度二十分牛七度二十分女十一度三十五分奎十

六度六十分婁十一度八十分胃十五度六十分

舊志

赤道宿度角十一度四十四分亢九度一十九分氏十六度四

十一分房五度二十八分心六度零九分斗二十四度二十四

分牛六度五十分女十一度零七分奎十四度三十分婁十二

度零四分胃十五度四十五分

明史天文志

以上各舍赤道距度之不同

氏十六度房五度心五度斗二十四度四分度之一牛七度女

十一度奎十七度婁十二度胃十五度

宋史天文志漢永元銅儀

氏十六度房五度心五度斗二十四度牛七度女十一度半奎

十七度婁十三度胃十五度

隋劉焯皇極書

氏十五度太房五度心四度太斗二十三度半牛七度半女十

一度少奎十七度半婁十二度太胃十四度太

唐一行大衍曆

氏十六度少房五度太心六度斗二十三度牛七度女十一度

奎十八度婁十二度太胃十五度

宋紀元曆

氏十六度少房五度太心六度斗二十二度牛七度女十一度

奎十七度太婁十二度胃十五度

金趙知微書

氏十六度四十分房五度四十八分心六度二十七分斗二十

三度四十七分牛六度九十分女十一度一十二分奎十七度

八十七分婁十二度三十六分胃十五度八十一分

元叔時曆

黃道宿度角十度三十五分亢十度四十分氏十七度五十四

分房四度四十六分心七度三十三分斗二十三度五十一分

牛七度四十一分女十一度三十九分奎十一度二十九分婁

十三度胃十三度零一分

明史天文志

以上各舍黃道距度之不同

吳楚之疆候在熒惑宋鄭之疆候在歲星史記天官書

歲星主徐州熒惑主揚州鎮星主豫州續漢書天文志注

歲星主齊吳熒惑主楚吳越以南晉書天文志

歲星主徐青兗熒惑主揚荆交州填星主豫州宋史天文志按此上以五星

言分野

二十八舍主十二州斗秉兼之史記天官書周禮疏辨九州之地者據北斗而言春秋文

耀鉤北斗七星兗州屬機星徐揚二州屬權星豫州屬搖星

玉衡第一星主徐州以五子曰候之甲子爲東海丙子爲琅瑯

戊子爲彭城庚子爲下邳壬子爲廣陵第六星主揚州以五巳

日候之乙巳爲豫章辛巳爲丹陽己巳爲廬江丁巳爲吳郡會

稽癸巳爲九江第七星爲豫州以五午日候之甲午爲潁川壬

午爲梁國丙午爲汝南戊午爲沛國庚午爲魯國

續漢書天文志注

北斗七星一主秦二主楚三主梁四主吳五主燕六主趙七主

齊

晉書天文志

北斗第一星曰天樞其分爲秦漢志主徐州第四星曰權其分

爲吳漢志主荊州第六星曰闔陽其分爲趙漢志主揚州第七

星曰搖光其分爲齊漢志主豫州

宋史天文志按此上以北斗言分野

吳楚之疆占於鳥衡

史記天官書鳥者南宮七宿衡者太微三光之庭鳥與衡同在南宮故占南宮

按此以四七宿言分野

五車者五帝車舍也五帝坐也西北大星曰天庫主大白天主秦

次東北星曰獄主辰星主燕趙次東星曰天倉主歲星主魯衛

次東南星曰司空主填星主楚次西南星曰卿星主熒惑主魏

五星有變皆以其所主占之

晉書天文志隋志宋志皆同言楚則吳越在其中

九坎東列星北一星曰齊齊北二星曰趙趙北一星曰鄭鄭北

一星曰越越東二星曰周周東南北列二星曰秦秦南二星曰

代代西一星曰晉晉北一星曰韓韓北一星曰魏魏西一星曰

楚楚南一星曰燕其星有變各以其國占之隋書天文志 志同又引陶隱居

云越一星在婺女南并舉楚越則吳在其中

三台六星上台上星主兗豫下星主荆揚中台上星主梁雍下

星主冀下台上星主青下星主徐宋史天文志

天市垣二十二星在氏房心尾箕斗內宮之內東藩十一星南

一曰宋四曰東海五曰徐六曰吳越按此上以中外宮星言分野

丙丁江淮海岱也史記天官書

丙楚酉魯戌吳越漢書天文志 按此上以時日支干言分野

以上雜占分野之不同

星野府直隸州

吳分安慶府

揚貢徽州府

之域

甯國府

池州府

太平府

廬州府

鳳陽府

滁州

和州

廣德州

六安州

縣

懷甯 桐城 潛山 太湖 宿松 望江

歙 休甯 婺源 祁門 黟 績溪

宣城 涇 南陵 甯國 旌德 太平

貴池 青陽 銅陵 石埭 建德 東流

當塗 蕪湖 繁昌

廬州府無為 合肥 廬江 舒城 巢

鳳陽府壽州鳳陽臨淮郡 定遠 鳳臺

全椒 來安

含山

建平

英山 霍山

降婁	魯分	禹貢	徐州	之域	大火	宋分	禹貢	徐豫	二州	之域
			泗州					潁州府		
			鄉					亳		

盱眙	天長	懷遠	五河	靈璧	阜陽	潁上	霍邱	太和	蒙城	渦陽
----	----	----	----	----	----	----	----	----	----	----

附葉燮江南星野辨見張潮刊昭代叢書中

考天文江南星野所屬江南大半為古吳地未嘗錯越境吳越連壤而中分上古必連舉吳越而吳越壤地僅得古揚州之半而不足吳又揚之一隅而不足也然歷代言星野見之史志者類統舉揚州未嘗歧吳越於揚而言之也又每統舉吳越未嘗

歧吳於越言之也卽獨舉夫吳又未嘗一一分晰某郡爲某星某度而言之也乃志星野者每以一郡當古揚州之稱又以一星分屬錯出揚州之一邑其閒言辰次者統而不分言星次者該而不晰言躔度者錯而無準竊怪乎其言人人殊也今先敘其統舉揚州者言之周禮保章氏注斗牛女揚州吳澄曰星紀揚州之星土星紀者辰次在丑其星斗牛女也史記牽牛婺女揚州而斗稱江湖是說稍異也正義云南斗牽牛爲揚州漢志牽牛婺女揚州斗南三度後漢書玉衡者斗九星也第六星主揚州蔡邕云揚州起斗六度晉志自南斗十二度至須女七度爲星紀於辰在丑吳越分野屬揚州元志星紀之次揚州之分凡此皆統舉夫古之揚州而言其次者也其統言夫吳越者爾雅及史記正義云南斗牽牛吳越分野後漢郡國志斗十一度

至婺女七度一名須女爲星紀之次斗建在子今吳越分野晉志斗牽牛須女爲吳越揚州蔡邕分星次起斗六度至須女二度爲星紀爲吳越分星費直謂斗十度至須女五度爲星紀皇甫謐謂星紀自斗十一度至女七度爲吳越分隋志與謐言合京房張衡則云吳越會稽揚州入牛一度魏陳卓云自南斗十二度至須女七度爲星紀吳越分野屬揚州宋天文志天市東南第六星曰吳越又云吳越當斗須女之分元志自斗四度入吳越分星紀之次凡此者言度數不同而言星紀言斗牛女則同然皆統舉夫吳越而終歸於揚州以言之者也其專指吳而言者爾雅星紀斗牽牛吳分野漢志吳地斗分野淮南天文志須女爲吳石氏星經云星斗七其杓上衡下爲權主吳分野劉向云吳地斗分野越地牛女分野唐志南斗在雲漢下流當淮

海間爲吳分凡此皆專指吳而言或言斗爲吳或言須女爲吳劉向則別指牛女爲越分而不混吳於越者也然則言揚州言吳越言吳俱概舉之而未嘗晰其界攷之史志間言某地某郡而可以古準今者如漢書志吳地斗分野會稽九江丹陽豫章廬江廣陵六安臨淮皆吳地準諸今除會稽之半及九江豫章非江南地餘皆今日江南也後漢天文志注引星經云玉衡第六星主揚州嘗以五巳日候之辛巳主丹陽晉志范蠡鬼谷張良諸葛亮譙周京房張衡陳卓竝言斗牽牛須女吳越揚州廬江入斗六度丹陽入斗十六度臨淮入斗四度廣陵入斗八度泗水入女一度六安入女六度亦皆今江南地也唐志揚楚滁和廬壽舒爲星紀分則今江南境未全也唐一行次分野南斗牽牛星紀之次丑初起斗九度終女四度自廬江九江盡淮南

廣陵東海又逾南河得漢丹陽郡自會稽以至百粵皆星紀分
南斗皆在雲漢之流淮海之間爲吳分是言星紀所該者廣而
斗專主於吳也宋史淮西路徐揚之域而揚爲多當南斗須女
之分又云南斗六星南星魁星也石申云魁一主吳二會稽三
丹陽四豫章五廬江六九江凡此皆言星紀之分於揚於吳越
於吳而各指當時列郡以表之及於今之兩浙江西界者也今
考江南各志爲府十四爲州四其西南則不盡古揚州與古吳
越於北則錯出揚州而入古徐豫之境其在星紀斗牛女之分
爲古揚州地者爲府十有二江甯蘇州松江常州鎮江揚州安
慶徽州甯國池州太平廬州爲州三滁和廣德其跨古徐豫揚
之境而錯分斗牛女房心奎婁之星兼居星紀大火降婁之次
者爲府二淮安鳳陽其間屬斗者爲府之州一曰鳳陽之壽州

爲縣九曰淮安之山陽清河安東鳳陽之鳳陽臨淮定遠霍邱
盱眙天長屬女者爲府之州一淮安之海州爲縣二淮安之沐
陽贛榆屬牛女之間者爲縣一淮安之鹽城屬房心者爲州一
徐州爲府之州二鳳陽之潁州亳州爲縣四淮安之桃源睢甯
鳳陽之潁上太和屬奎婁者爲府之州三淮安之邳州鳳陽之
泗州宿州爲縣六曰淮安之宿遷鳳陽之懷遠五河虹縣蒙城
靈璧大約淮鳳兩府各州縣分屬之星野歷代史志竝無畫疆
可據之文後代各因其地之界而爲之分次其界於吳者卽屬
以吳之星其北界於豫之宋徐之魯者卽屬以宋與魯之星蓋
奎婁爲魯分野房心爲宋分野其分疆之錯出卽其分星之錯
出也至於府十二之屬星紀者大概屬斗度者多然歷代天官
家論度者頗參錯不同若曰必以某度屬某府無論古來論度

之起與至之數各家紛紛無定卽定矣又安能以府州縣之境
尺寸而畫之與垂象者脗合不爽毫釐乎故唐一行有兩戒山
河之論其法用春秋十二國以定分野而不必係之方隅諸家
頗推其說元郭守敬於天文律厯之學極精詳於分野獨略而
不言但推太陽黃道十二次入宮宿度係之十二國分亦一行
之說也守敬極推隋唐之言天者且云後有作者無以尙之然
則星野之分雖智若守敬亦不能舍是而立說然一行之論又
似泛濫而不可稽惟明劉文成基清類天文於郡邑分度爲極
詳亦不知何所本而一一不爽若是歟張潮曰志地輿者必及
分野然從未聞繪之爲圖也自河南通省志有星野之圖克當
上意天下遂咸遵其式江南星野圖頗爲精妙但所載七家異同尙未
條分縷晰今讀此篇洵可謂無微不抉矣

重修安徽通志卷十五

輿地志

疆域

郡縣之天下與封建之天下異周禮大司徒之職凡建邦國以土圭正其地而制其域大司馬九畿之籍自國畿而外侯甸采衛皆以方五百里爲率經界正而後分田制祿定此封建時疆域之制耳郡縣則統於一尊原無畛域特分疆而理所以專責成也安徽地跨大江南北各府州縣碁布星羅歷代建置沿革及我

朝因時制宜廬鳳潁六泗等府州屬改析增設別立爲表茲仿圖經專詳四至八到與夫廣袤之數增修舊文述輿地志疆域

安徽全省

安徽巡撫治安慶府布政使司統轄八府五直隸州安慶之東
爲池州府甯國府廣德州其東南爲徽州府其東北爲太平府
和滁泗等州其北爲廬州府六安州廬州府之北爲鳳陽府六
安州之北爲潁州府東南至浙江界西南至江西界西至湖北
界東北至江蘇界西北至河南界

舊志闕此條今依
江南通志例增修

安慶府

由府治上至

京師二千七百里至兩江總督治五百四十里

東至廬州府無爲州界一百九十里

西至湖北蘄州界三百里

南越江至池州府東流縣界五里

北至廬州府舒城縣界一百八十里

東南至池州府界五十里

西南至江西九江府界三百八十里

東北至廬州府界二百十里

西北至六安州界二百八十里

東西距四百九十里 南北距一百八十五里

轄縣六附郭爲懷甯北之東一百二十里爲桐城西之北一百二十里爲潛山西北二百二十里爲太湖西二百六十里爲宿松西南一百二十里爲望江

懷甯縣

東至樅陽鎮桐城縣界六十里

西至赭陂橋太湖縣界一百三十里

南越江至雁汊池州府東流縣界五里

北至練潭桐城縣界六十里

東南至池州府貴池縣界五十里

西南至望江縣界九十里

東北至桐城縣界三十里

西北至潛山縣界九十里

東西距一百九十里 南北距六十五里

桐城縣

東至廬州府無爲州界七十里

西至小河沿堡潛山縣界六十里

南至杏花村懷甯縣界九十里

北至北峽關廬州府舒城縣界六十里

東南至池州府貴池縣界一百八十里

西南至懷甯縣界九十里

東北至廬州府廬江縣界五十里

西北至廬州府舒城縣界四十里

東西距一百三十里 南北距一百五十里

潛山縣

東至粟米衝桐城縣界七十里

西至黃泥港太湖縣界四十里

南至懷甯縣界四十里

北至廬州府舒城縣界一百四十里

東南至懷甯縣界十里

西南至太湖縣界三十里

東北至桐城縣界六十里

西北至六安州界一百六十里

東西距一百一十里 南北距一百八十里

太湖縣

東至黃泥港潛山縣界六十里

西至湖北蘄州桃花寨蘄州界八十里

南至師長河宿松縣界四十里

北至青峯嶺潛山縣界六十里

東南至望江縣界六十里

西南至宿松縣界十五里

東北至潛山縣界四十五里

西北至六安州英山縣界一百八十里

東西距一百四十里 南北距一百里

宿松縣

東至賁家嶺望江縣界一百二十里

西至梅子寨湖北黃梅縣界三十里

南至涇江司江西湖口縣界一百二十里

北至師長河太湖縣界五十里

東南至江西彭澤縣界一百二十里

西南至湖北黃梅縣界二十里

東北至太湖縣界七十里

西北至湖北蘄州界八十里

東西距一百五十里 南北距一百七十里

望江縣

東至洲頭口汎懷甯縣界七十里

西至南池宿松縣界三十里

南至蛾眉洲江西彭澤縣界十五里

北至皖口懷甯縣界一百五里

東南至香口鎮池州府東流縣界三十里

西南至揚濟宿松縣界三十里

東北至懷甯縣界六十里

西北至太湖縣界七十里

東西距一百里 南北距一百二十里

徽州府

在省治東南五百七十里由府治上至

京師二千八百五十里至兩江總督治七百二十里

東至浙江昌化縣界一百二十里

西至江西浮梁縣界二百七十里

南至浙江遂安縣界一百里

北至甯國府太平縣界一百二十里

東南至浙江淳安縣界一百十里

西南至江西樂平縣界二百七十里

東北至甯國府甯國縣界一百五十里

西北至池州府石埭縣界一百六十里

東西距三百九十里 南北距二百二十里

轄縣六附郭爲歙縣西六十里爲休甯西南二百四十里爲婺源西一百七十里爲祁門西北一百四十里爲黟縣東北六十里爲績溪

歙縣

東至金竹嶺浙江昌化縣界一百二十里

西至長充鋪休甯縣界三十七里

南至街口浙江淳安縣界一百里

北至湯嶺甯國府太平縣界一百二十里

東南至浙江遂安縣界一百七十里

西南至婺源縣界二百四十里

東北至界牌嶺績溪縣界三十五里

西北至池州府界三百九十里

東西距一百五十七里 南北距二百二十里

休甯縣

東至觀音堂歙縣界二十八里

西至界首鋪黟縣界四十里

南至江嶺浙江開化縣界一百二十里

北至韓嶺黟縣界六十里

東南至浙江遂安縣大夏界一百五十里

西南至木瓜阮婺源縣界七十里

東北至湖嶺歙縣界三十里

西北至鄧村黟縣界四十里

東西距六十八里 南北距一百八十里

婺源縣

東至大鱗嶺浙江開化縣界一百十里

西至洪冲坦江西樂平縣界一百二十里

南至銀港江西德興縣界三十五里

北至上汪休甯縣界一百五里

東南至黃瓜嶺江西德興縣界三十里

西南至周阮江西樂平縣界八十里

東北至德勝嶺休甯縣界一百二十二里

西北至巖嶺江西浮梁縣界九十五里

東西距二百三十里 南北距一百四十里

祁門縣

東至榔木嶺黟縣界五十里

江南通志作楠木嶺

西至櫟根嶺池州府貴池縣界一百二十里

南至倒湖江西浮梁縣界九十里

北至大洪嶺池州府石埭縣界五十里

東南至黃畚嶺休甯縣界六十里

西南至良禾嶺江西浮梁縣界一百二十里

東北至武嶺黟縣界四十里

西北至赤嶺池州府石埭縣界八十里

東西距一百七十里 南北距一百四十里

黟縣

東至藕坑口休甯縣界四十里

西至牛頭石祁門縣界二十五里

南至榔木嶺祁門縣界四十里

北至登塔橋甯國府太平縣界五十里

東南至牌嶺休甯縣界四十里

西南至陶嶺祁門縣界二十五里

東北至潘村休甯縣界四十里

西北至廂口甯國府太平縣界六十里

東西距六十五里 南北距九十里

績溪縣

東至浙溪田浙江昌化縣界七十里

西至界首鋪甯國府旌德縣界五十里

南至界牌嶺高唐鎮歙縣界二十五里

北至叢山關甯國府甯國縣界三十里

東南至梅院嶺歙縣界三十里

西南至中溪村歙縣界十五里

東北至嶠嶺甯國府甯國縣界九十五里

西北至龍門下甯國府旌德縣界七十里

東西距一百二十里 南北距五十五里

甯國府

在省治東四百三十里由府治上至

京師二千七百四十五里至兩江總督治三百三十里

東至廣德州建平縣界六十里

西至池州府銅陵縣界一百六十里

南至徽州府績溪縣界二百十五里

北至太平府當塗縣界一百二十里

東南至浙江於潛縣界二百二十里

西南至池州府石埭縣界三百里

東北至江蘇高淳縣界七十里

西北至太平府繁昌縣界一百三十里

東西距二百二十里 南北距三百三十五里

轄縣六附郭爲宣城南一百里爲涇縣西九十里爲南陵東南

九十里爲甯國南二百二十里爲旌德西南二百二十里爲太平

宣城縣

東至花橋鋪廣德州建平縣界六十里

西至清弋江南陵縣界六十里

南至柿木鋪涇縣界六十里

北至黃池鎮河中太平府當塗縣界一百五里

東南至港口分界山甯國縣界六十里

西南至柿木鋪涇縣界五十里

東北至水碧橋江蘇高淳縣界七十里

西北至太平府蕪湖縣界七十里

東西距一百二十里 南北距一百六十五里

涇縣

東至金牌嶺甯國縣界八十里

西至大城山池州府青陽縣界七十五里

南至承流山旌德縣界八十五里

北至裏衝分界山南陵縣界三十五里

東南至窄溪旌德縣界七十里

西南至麻口太平縣界九十里

東北至古樓鋪宣城縣界四十里

西北至南陵縣界四十里

東西距一百五十五里 南北距一百二十里

南陵縣

東至清弋江宣城縣界三十里

西至牧家亭池州府銅陵縣界四十五里

南至社橋池州府青陽縣界七十五里

北至新店太平府繁昌縣界十五里

東南至分界山涇縣界二十五里

西南至麻黃山池州府青陽縣界七十里

東北至石碓河太平府蕪湖縣界八十里

西北至石岡山太平府繁昌縣界三里

東西距七十五里 南北距九十里

甯國縣

東至唐舍關浙江孝豐縣界一百三十里

西至丁溪涇縣界一百里

南至馬頭關浙江昌化縣界一百三十里

北至眾潯潭宣城縣界四十里

東南至浙江孝豐縣界一百里

西南至崇山關徽州府績溪縣界一百三十里

東北至廣德州建平縣界六十里

西北至將軍右山涇縣界九十里

東西距二百三十里 南北距一百七十里

旌德縣

東至嗣溪山甯國縣界四十里

西至黃華嶺太平縣界六十里

南至界首鋪徽州府績溪縣界二十里

北至窄溪涇縣界四十里

東南至徽州府績溪縣界三十里

西南至徽州府歙縣界八十里

東北至甯國縣界四十里

西北至太平縣界五十里

東西距一百里 南北距六十里

太平縣

東至黃華鋪旌德縣界三十里

西至長壽鄉凌灘頭河岸路口池州府石埭縣界六十里

南至道泰鄉箬嶺鋪徽州府歙縣界五十里

北至大鵠山涇縣界六十里

東南至徽州府歙縣界七十五里

西南至徽州府黟縣界一百三十里

東北至涇縣界八十里

西北至池州府石埭縣界一百二十里

東西距九十里 南北距一百十里

池州府

在省治東一百二十里由府治上至

京師二千八百里至兩江總督治四百七十里

東至甯國府南陵縣界一百五十里

西至江西彭澤縣界二百四十里

南至徽州府祁門縣界二百二十里

北至江口安慶府桐城縣界十五里

東南至甯國府太平縣界二百里

西南至江西鄱陽縣界三百二十里

東北至太平府繁昌縣界二百里

西北至安慶府懷甯縣界一百二十里

東西距三百九十里 南北距二百三十五里

轄縣六附郭爲貴池東八十里爲青陽東北一百二十里爲銅陵東南一百六十里爲石埭西南一百八十里爲建德西一百八十里爲東流

貴池縣

東至五溪橋青陽縣界五十五里

西至獅子橋東流縣界一百十五里

南至石埭縣界一百二十里

北至大江口安慶府桐城縣界十五里

東南至青陽縣界六十五里

西南至建德縣界一百二十里

東北至銅陵縣界八十里

西北至東流縣界一百里

東西距一百七十里 南北距一百三十五里

青陽縣

東至社橋甯國府南陵縣界六十五里

西至五溪界牌石貴池縣界二十五里

南至博山石埭縣界七十里

北至界山鋪銅陵縣界四十里

東南至甯國府涇縣界六十里

西南至貴池縣界四十里

東北至甯國府南陵縣界五十里

西北至貴池縣界十五里

東西距九十里 南北距一百十里

銅陵縣

東至九郎廟甯國府南陵縣界九十里

西至大江中廬州府無爲州界二十里

南至趙嶺青陽縣界七十里

北至荻港鎮太平府繁昌縣界八十里

東南至甯國府南陵縣界八十里

西南至貴池縣界四十里

東北至太平府繁昌縣界八十里

西北至廬州府無爲州界二十里

東西距一百十里 南北距一百五十里

石埭縣

東至石碑樓甯國府太平縣界五里

西至黃石嶺貴池縣界一百三十里

南至售口甯國府太平縣界三十里

北至九鳳嶺青陽縣界十五里

東南至甯國府太平縣界三十里

西南至徽州府祁門縣界一百三十里

東北至青陽縣界十五里

西北至青陽縣界八十里

東西距一百三十五里 南北距四十五里

建德縣

東至沈阮嶺貴池縣界六十里

西至嚴塘東流縣界二十里

南至石門江西鄱陽縣界一百二十里

北至古港東流縣界四十里

東南至江西浮梁縣界九十里

西南至江西彭澤縣界九十里

東北至東流縣界三十里

西北至東流縣界二十五里

東西距八十里 南北距一百六十里

東流縣

東至拂王鋪獅子橋貴池縣界七十里

西至雷港安慶府望江縣界四十里

南至青山江西彭澤縣界九十里

北至鴈汊大江安慶府懷甯縣界九十里

東南至建德縣界二十里

西南至江西彭澤縣界四十里

東北至安慶府懷甯縣界八十里

西北至安慶府潛山縣治二百里

東西距一百十里 南北距一百八十里

太平府

在省治東北四百九十里由府治上至

京師二千四百六十五里至兩江總督治一百四十里

東至石臼湖湖心江蘇溧水縣界八十里

西至大江和州界一十里

南至麻橋甯國府南陵縣界一百六十里

北至葛岡鋪江蘇江甯縣界五十里

東南至黃池甯國府宣城縣界一百十里

西南至黃澣池州府銅陵縣界一百六十里

東北至宣城塘江蘇溧水縣界八十里

西北至和州治九十里

東西距九十里 南北距二百一十里

轄縣三附郭爲當塗西南六十里爲蕪湖一百二十里爲繁昌

當塗縣

東至石臼湖中江蘇溧水縣界八十里

西至大江中流和州界十里

南至大聖鋪蕪湖縣界三十里

北至慈湖葛岡鋪江蘇江甯縣界五十里

東南至黃池中甯國府宣城縣界八十里

西南至揭山蕪湖縣界四十里

東北至牛跡山廟北江蘇江甯縣界六十里

西北至慈姥磯東江蘇江甯縣界四十五里

東西距九十里 南北距八十里

蕪湖縣

東至黃池當塗縣界四十里

西至大江中流和州界七里

南至石碇河中流甯國府南陵縣界四十里

北至延福鄉當塗縣界三十里

東南至定江鋪甯國府宣城縣界八十里

西南至魯港繁昌縣界十五里

東北至霸塘圩當塗縣界三十里

西北至褐山當塗縣界二十五里

東西距四十七里 南北距七十里

繁昌縣

東至石硤河東蕪湖縣界四十里

西至荻港大江中流廬州府無爲州界五十里

南至麻橋甯國府南陵縣界二十五里

北至潛港河中流蕪湖縣界五十里

東南至馬仁渡甯國府南陵縣界四十里

西南至黃濟河池州府銅陵縣界三十里

東北至下戛橋蕪湖縣界三十里

西北至舊縣夾州廬州府無爲州界五十里

東西距九十里 南北距七十五里

廬州府

在省治北四百六十里由府治上至

京師二千四百六十里至兩江總督治五百里

東至和州含山縣界一百九十里

西至六安州界一百二十里

南至安慶府桐城縣界二百四十里

北至鳳陽府定遠縣界一百二十里

東南至和州治三百里

西南至湖北黃州府治八百里

東北至滁州治二百八十里

西北至鳳陽府壽州治一百八十里

東西距三百一十里 南北距三百六十里

輅州一縣四附郭爲合肥南一百六十里爲廬江西南一百二十里爲舒城東南二百六十里爲無爲州東一百八十里爲巢縣

合肥縣

東至東山口巢縣界九十里

西至王小店六安州界一百二十里

南至舒王墩舒城縣界八十里

北至麻埠橋鳳陽府定遠縣界一百三十里

東南至巢縣界九十里

西南至舒城縣界八十里

東北至鳳陽府定遠縣界一百五十里

西北至鳳陽府壽州界六十五里

東西距二百十里 南北距二百十里

廬江縣

東至石塘巢縣界八十里

西至界牌舒城縣界四十里

南至分水嶺安慶府桐城縣界五十里

北至三河鎮合肥縣界七十里

東南至高奇嶺安慶府桐城縣界六十里

西南至葛家廟安慶府桐城縣界五十里

東北至造河巢縣界七十里

西北至中吳橋河合肥縣界七十里

東西距一百二十里 南北距一百二十里

舒城縣

重修安徽通志

卷十五

輿地志

疆域

七

廬州府

東至三河余家灣集縣界六十里

西至界河六安州界二十五里

南至小關安慶府桐城縣界六十里

北至舒王墩合肥縣界四十里

東南至火砲山廬江縣界四十里

西南至駝嶺安慶府潛山縣界一百四十里

東北至梅林橋合肥縣界四十五里

西北至大界河六安州界二十五里

東西距八十五里 南北距一百里

無爲州

東至大江中蟻磯山太平府蕪湖縣界一百二十五里

西至早河廬江縣界八十里

南至石灰河安慶府桐城縣界一百里

北至芙蓉嶺巢縣界五十里

東南至太平府繁昌縣治一百九十里

西南至安慶府桐城縣治一百七十里

東北至和州治一百四十里

西北至廬江縣界六十里

東西距二百五里 南北距一百五十里

巢縣

東至清溪和州含山縣界二十五里

西至巢湖中合肥廬江二縣界九十里

南至芙蓉嶺無爲州界三十八里

北至東山口合肥縣界八十里

東南至無爲州界三十五里

西南至廬江縣治一百五十里

東北至和州治一百二十里

西北至合肥縣治一百八十里

東西距一百十五里 南北距一百十八里

鳳陽府

在省治北六百七十里由府治上至

京師一千九百八十五里至兩江總督治五百五十里

東至泗州盱眙縣界一百八十里

西至潁州府潁上縣界二百四十八里

南至廬州府巢縣界一百五十里

北至江蘇蕭縣界三百二十三里

東南至滁州治二百二十里

西南至六安州界三百三十里

東北至江蘇睢甯縣界二百四十里

西北至河南歸德府治五百五十里

東西距四百二十八里 南北距四百七十三里

轄州二縣五附郭爲鳳陽西北七十里爲懷遠南九十里爲定遠西少南一百八十里爲壽州壽州之北三十里爲鳳臺西北二百四十里爲宿州北一百八十里爲靈璧

鳳陽縣

東至泗州盱眙縣界六十里

西至陶家店懷遠縣界四十里

南至卸甲店定遠縣界五十里

北至濠岡鋪靈璧縣界七十里

東南至定遠縣界七十里

西南至壽州治一百八十里

東北至泗州五河縣界九十里

西北至懷遠縣治六十五里

東西距一百里 南北距一百二十里

懷遠縣

東至蚌埠鳳陽縣界三十里

西至寨頭鋪西潑村潁州府蒙城縣界九十里

南至黑河南陳家岡壽州界九十里

北至澥河中流宿州界七十里

東南至定遠縣治一百七十里

西南至鳳臺縣界七十里

東北至靈璧縣治一百八十里

西北至潁州府蒙城縣治一百四十里

東西距一百二十里 南北距一百六十里

定遠縣

東至岱山鋪滁州界七十里

西至北爐鎮壽州界九十里

南至高場鄉廬州府合肥縣界六十里

北至湛澗鋪舊臨淮縣界四十五里

東南至滁州全椒縣界七十里

西南至廬州府合肥縣界九十里

東北至泗州盱眙縣界七十里

西北至懷遠縣界九十里

東西距一百六十里 南北距一百五里

壽州

東至州東門外鴨背鋪鳳臺縣界一里

西至正陽鎮潁州府潁上霍邱二縣界六十里

南至桑科廬州府合肥縣界一百三十里

北至淮北大蔡鳳臺縣治三十里

東南至廬州府合肥縣治一百八十里

西南至潁州府霍邱縣治一百三十里

東北至州北門外石馬店鳳臺縣界一里

西北至潁州府潁上縣治一百三十里

東西距六十里 南北距一百三十里

鳳臺縣

舊與壽州同城同治三年徙治下蔡各立疆界

東至陳家岡懷遠縣界五十里

西至楊家腦潁州府潁上縣界六十里

南至壽州治三十里

北至界溝集潁州府蒙城縣界六十里

東南至定遠縣界九十里

西南至石馬店壽州界一里

東北至懷遠縣界七十里

西北至潁州府潁上縣治一百三十里

東西距一百十里 南北距九十里

宿州

東至徐園鋪靈璧縣界六十里

西至新安鋪河南永城縣界一百里

南至淝河懷遠縣界八十里

北至胡辛莊江蘇蕭縣界九十里

東南至鳳陽縣界二百三十三里

西南至渦陽縣界一百十五里

東北至江蘇邳州治二百二十里

西北至河南永城縣治一百四十里

東西距一百六十里 南北距一百七十里

靈璧縣

東至長直溝泗州界三十里

西至葛家店宿州界六十里

南至淮河中流鳳陽縣界一百三十里

北至雙溝集黃河涯江蘇徐州府界一百三十里

東南至泗州五河縣界六十里

西南至懷遠縣治一百八十里

東北至江蘇睢甯縣治一百二十里

西北至江蘇徐州府治一百八十里

東西距九十里 南北距二百六十里

潁州府

在省治西北八百四十里由府治上至

京師一千八百二十里至兩江總督治七百二十里

東至鳳陽府壽州界一百六十五里

西至河南沈邱縣界一百二十里

南至河南固始縣界一百二十里

北至河南商邱縣界二百六十里

東南至六安州界二百八十里

西南至河南汝甯府界一百二十里

東北至宿州界二百六十里

西北至河南鹿邑縣治一百五十里

東西距二百八十五里 南北距三百八十里

舊轄州一縣五新設縣一附郭爲阜陽東南一百二十里爲潁
上一百八十里爲霍邱北一百二十里爲亳州一百八十里爲
渦陽二十五里爲太和東北一百八十里爲蒙城

阜陽縣

東至彝陵溝潁上縣界六十里

西至颍陽城鋪河南汝陽縣界一百十里

南至朱皋鎮河南固始縣界九十里

北至魚港鋪亳州界一百里

東南至霍邱縣治一百九十里

西南至河南新蔡縣界二百里

東北至開荒劉家集渦陽縣界一百二十里

西北至太和縣治一百九十里

東西距二百七十里 南北距一百九十里

潁上縣

東至劉家樓鳳陽府壽州界四十五里

西至六十里鋪阜陽縣界六十里

南至廟臺集過淮接霍邱縣界二十五里

北至江北店阜陽縣及鳳陽府壽州界八十里

東南至鳳陽府壽州界七十里

西南至河南固始縣界五十里

東北至鳳陽府壽州界五十里

西北至阜陽縣界五十里

東西距一百五里 南北距一百五里

霍邱縣

東至隱賢集大河中流鳳陽府壽州界七十里

西至芙蓉山嶺河南固始縣界九十里

南至三尖山嶺六安州界一百八十里

北至廟臺淮河中流潁上縣界四十五里

東南至六安州界一百八十里

西南至河南固始縣界一百六十里

東北至鳳陽府壽州界五十里

西北至阜陽縣界九十里

東西距一百六十里 南北距二百二十五里

亳州

東至沙土集迤東渦陽縣界五十五里

西至太清宮河南鹿邑縣界四十里

南至肥河集太和縣界七十五里

北至土牆村河南商邱縣界五十里

東南至高公廟阜陽縣界一百二十里

西南至梅成集太和縣界四十里

東北至永清集河南永城縣界四十里

西北至孫家店河南鹿邑縣界五十里

東西距九十五里 南北距一百二十五里

渦陽縣 新設

東至白洋溝蒙城縣界四十里 至蒙城縣治九十里

西至乾溪溝亳州界四十四里 至亳州治一百十里

南至王市集淝河阜陽縣界八十里 至阜陽縣治一百八十里

北至石弓山泡河鳳陽府宿州界七十里 至河南永城縣治一百十里

東南至鳳陽府鳳臺縣治二百四十里

西南至潁州府治一百八十里

東北至宿州治一百八十里

西北至河南夏邑縣一百五十里

東西距八十四里 南北距一百五十里

太和縣

東至七里溝阜陽縣界八十里

西至界首集河南沈邱縣界七十里

南至界牌集阜陽縣界二十五里

北至淝河口亳州界九十里

東南至潁州治七十里

西南至河南新蔡縣治一百八十里

東北至河南永城縣界三百里

西北至河南鹿邑縣治一百七十里

東西距一百五十里 南北距一百十五里

蒙城縣

東至界溝集鳳陽府懷遠縣界六十里

西至西陽集東田家溝渦陽縣界四十九里

南至界溝鋪鳳陽府鳳臺縣界九十里

北至檀城集鳳陽府宿州界四十五里

東南至鳳陽府鳳臺縣界九十里

西南至董家集渦陽縣界七十里

東北至趙家集鳳陽府宿州界五十里

西北至北界溝渦陽縣界四十三里

東西距一百九里 南北距一百三十五里

滁州

在省治東北六百五十里由州治上至

京師二千二百五里至兩江總督治二百二十里

東至義井鋪江蘇六合縣界七十里

西至九里臺鳳陽府定遠縣界七十里

南至仁義鋪全椒縣界二十五里

北至王店泗州盱眙縣界一百三十里

東南至西葛城鋪江蘇江浦縣界五十里

西南至盈山廬州府合肥縣界一百八十里

東北至三山泗州天長盱眙二縣界一百五十里

西北至大山嶺鳳陽府定遠縣界七十里

東西距一百四十里 南北距一百五十五里

轄縣二州南五十里爲全椒東北四十里爲來安

全椒縣

東至界首江蘇江浦縣界二十里

西至沙河廬州府合肥縣界九十里

南至後河中流和州界三十里

北至清塘本州界二十五里

東南至义河江蘇江浦縣界二十里

西南至再安寺和州含山縣界六十里

東北至仁義鋪本州界二十五里

西北至界牌鳳陽府定遠縣界九十里

東西距一百十里 南北距五十五里

來安縣

東至界橋江蘇六合縣界三十五里

西至嘉山泗州盱眙縣界五十里

南至三义河江蘇江浦縣界六十里

北至長店集泗州盱眙縣界七十里

東南至江蘇六合縣治九十里

西南至本州治四十里

東北至泗州天長縣治二百二十里

西北至泗州盱眙縣治一百五十里

東西距八十五里 南北距一百三十里

和州

在省治東北四百六十里由州治上至

京師二千二百八十里至兩江總督治一百二十里

東至江蘇江浦縣界六十里

西至含山縣界三十里

南至廬州府無爲州界九十里

北至滁州全椒縣界七十五里

東南至太平府當塗縣界六十里

西南至廬州府無爲州治一百五十里

東北至江蘇江浦縣治一百里

西北至廬州府合肥縣治二百八十里

東西距九十里 南北距一百六十五里

轄縣一州西六十里含山

含山縣

東至司基橋本州界三十里

西至界首鋪廬州府巢縣界四十里

南至新憫圩廬州府無爲州界八十里

北至後河本州界六十里

東南至太平府界一百二十里

西南至廬州府無爲州界一百二十里

東北至江蘇江浦縣界一百六十里

西北至廬州府界一百九十里

東西距七十里 南北距一百四十里

廣德州

在省治東六百二十五里由州治上至

京師二千七百八十里至兩江總督治五百里

東至木牌界浙江長興縣界三十里

西至分界山建平縣界六十里

南至楓樹嶺甯國府甯國縣界九十里

北至鐵冶嶺江蘇溧陽縣界七十里

東南至苦嶺關浙江孝豐縣界七十里

西南至常洪關甯國府甯國縣界九十里

東北至分界山江蘇荆溪縣界七十里

西北至白茅嶺建平縣界五十里

東西距九十里 南北距一百六十里

轄縣一州西九十里建平

建平縣

東至白茅嶺本州界四十五里

西至南碕湖湖中甯國府宣城縣界五十里

南至鴉山堡唐泥嶺甯國府甯國宣城二縣界九十里

北至定埠鎮江蘇高淳縣界四十五里

東南至本州界四十里

西南至甯國府宣城縣界六十里

東北至江蘇溧陽縣界五十里

西北至江蘇高淳縣界四十里

東西距九十五里 南北距一百三十五里

六安州

在省治西北四百四十里由州治上至

京師二千九百五十里至兩江總督治四百四十里

東至李陵山廬州府合肥縣界五十里

西至潁州府霍邱縣界七十里

南至霍山縣界六十里

北至謝埠鳳陽府壽州界五十里

東南至界河廬州府舒城縣界一百里

西南至水東砦河南商城縣界二百里

東北至廬州府合肥縣界六十里

西北至潁州府霍邱縣界一百四十里

東西距一百二十里 南北距一百十里

轄縣二州西南三百六十里爲英山九十里爲霍山

英山縣

東至隘口嶺安慶府太湖縣界三十五里

西至落黎河湖北羅田縣界十五里

南至雞兒河湖北蘄水縣界四十里

北至分水巾界嶺霍山縣界一百二十里

東南至安慶府太湖縣界五十里

西南至湖北蘄水縣界四十里

東北至潁州府霍邱縣界一百三十里

西北至湖北羅田縣治一百里

東西距五十里 南北距一百六十里

霍山縣

東至山王河本州界四十里

西至衞門關湖北羅田縣界一百八十里

南至界嶺安慶府潛山縣界一百八十里

北至小七畝本州界二十五里

東南至郎當嶺廬州府舒城縣界一百十里

西南至太陽山安慶府太湖縣界一百四十里

東北至三尖鋪本州界三十里

西北至黃氏河河南商城縣界一百八十里

東西距二百二十里 南北距二百五里

泗州

在省治東北八百八十里由州治上至

京師二千一百九十九里至兩江總督治八百八十里

東至老子山江蘇清河縣界一百七十里

西至鳳陽府靈璧縣界四十里

南至季家莊五河縣界三十里

北至湖山莊江蘇睢甯縣界六十里

東南至淮河盱眙縣界一百六十里

西南至眞家集鳳陽衛界七十里

東北至烏鴉嶺江蘇宿遷縣界一百里

西北至板橋江蘇宿遷縣界七十里

東西距二百一十里 南北距九十里

轄縣三州南一百里爲盱眙東南一百五十七里爲天長西一

百三十里爲五河

盱眙縣

東至蔣家集天長縣界九十里

西至愛棠集鳳陽府鳳陽縣界一百二十里

南至白來橋滁州來安縣界六十里

北一里至淮河中分本州界五里

東南至天長縣界六十里

西南至鳳陽府定遠縣界一百三十里

東北至江蘇清河縣界六十里

西北至五河縣界一百二十里

東西距二百十里 南北距六十五里

天長縣

東至泰欄鎮江蘇江都縣界四十五里

西至汭澗鎮盱眙縣界四十五里

南至瓜埠鋪江蘇六合縣界四十五里

北至銅城鎮江蘇寶應縣界四十五里

東南至江蘇儀徵縣界四十里

西南至滁州來安縣界六十里

東北至江蘇高郵州界五十里

西北至盱眙縣治一百二十里

東西距九十里 南北距九十里

五河縣

東至浮山潼河口本州界三十里

西至韋里堡鳳陽府靈璧縣界四十里

南至浮橋鳳陽府鳳陽縣界七十里

北至界溝集本州界四十里

東南至峽石村鳳陽府鳳陽縣界二十里

西南至王莊驛鳳陽府鳳陽縣界九十里

東北至歷站驛本州界二十里

西北至本州界二十里

東西距七十里 南北距一百十里